

Wednesday, July 2, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

CM

Chief Minister Pu Lalduhoma'n vawiin khan a pisa ah Aizawl City Local Council Association hruaitute kawmin Aizawl khawpui ralmuang zawka siam a pawimawh thu a sawi.

Chief Minister hian Aizawl chu hmun ralmuang taka siam tul a tih thu sawiin Tleirawl rual, midang sual rawn ching te an awm nia a hriat thu sawiin tihtawp a tul thu a sawi a, khawlai chu zurui emaw buaina siam chingte lakah fihlim se a duh thu sawiin Nunau leh hmeichhe tan pawha hmun ralmuang taka siam a ngai a ti a, Local council ten mahni area theuhah, tlawmngaipawlte nena tang tlanga hma la turin a ngen tih sawiin ILP dan lek kawh kawngah Local Council te tanpuina an mamawh thu sawiin No Objection Certificate pekchhuah kawngah fimkhur turin a hrilh bawk.

Local Council Association hruaitute hian an lawmman tihsan chungchang leh Aizawla an office hmun ve tur te Chief Minister hi an sawipui a. Chief Minister hian an dilna te a lo zirchiansak tur thu a chah a ni.

Local Council Association hian Chief Minister Relief Fund-ah cheng sing khat an chunglut nghal a ni.



SPORTS MINISTER

New Delhi-a cham mek Sports Minister Pu Lalnghinglova Hmar chuan tukin khan Union Minister for Sports & Youth Affairs leh Labour & Employment Dr. Mansukh Mandaviya chu New Delhi-a a chenna inah a kawm a, Mizorama ESI Hospital din leh sports stadium sak chungchang a sawipui.

Pu Lalnghinglova Hmar chuan Employees' State Insurance (ESI) scheme hnuaia damdawiin din chungchanga Mizoram mamawh Union Minister hnenah hian a thlen a. ESI scheme hnuaia damdawiin khum 30 awmna sa turin mi 15,000 tal inziahluh a ngai a, hei hi state te leh mihring tlem, industry lian awm lohna Mizoram tan tlin a har tih sawiin Sumdawnna hmunah ESI scheme chungchang inhrilhfiahna leh inziahluh runpui kalpui a ni a, tunah zirna inah kalpui leh mek a ni tih sawiin Hmasawnna a awm chungin target chu tun dinhmunah phak mai a harsa rih tih sawiin khum 30 emaw a aia tam awmna damdawiin sak dilna a thlen a ni.

Dr. Mansukh Mandaviya chuan Mizoram Minister ngenna chu a ngaihpawimawh thu leh, ESI hnuaia damdawiin sak chu tihsak ngei a tum tur thu a lo hrilh bawk.

Sports Minister hian nimina Union Cabinet meeting in National Sports Policy (NSP), 2025 a pass avangin Union Minister hi lawmpuina a hlan a; Indian football-ah Mizoramin dinhmun sang a luah chho mek a, Indian Super League leh I League season hnuhnung berah pawh state angin Mizoram player-te'n an khel tam ber tih sawiin tuna an thlen chin atanga hmasawn zel tur erawh chuan infrastructure tha an neih belh a ngai a ti a, state dang nen khaikhina zahpuiawm lo tur football stadium an mamawh tih sawiin NSP thar zulzuiin PSU rintlak thawhpui tur zawnsak turin Union Minister a ngen a ni.

Union Sports Minister chuan football-a Mizoram hmasawnna chu lawmawm a tih thu a sawi a. National Sports Policy thar chuan Indian sports-ah a tha zawnga danglamna a thlen ngei a beisei thu a sawi. Mizorama football stadium mai ni lo, sports infrastructure hmasawnna'na thawhpui tur PSU thlan thuai a nih tur thu leh, PSU hotute nena meeting hunah pawh Mizoram Sports Minister chu a koh tel ngei tur thu a lo hrilh a ni.

Mizorama sports ruhrel hmasawnna'n Khelo India hnuaiah Multidisciplinary Indoor Stadium sakna tur cheng vaibelchhe 11.5 te, NESIDS-OTRI hnuaiah Indoor stadium pathum sakna tur cheng vaibelchhe 38.4 te, PMJVK hnuaiah Hnahthial-a Synthetic Hockey Turf phahna tur cheng vaibelchhe 9.886, Thenzawl-a artificial football turf phahna tur cheng vaibelchhe 11.85 leh Champhai-a artificial turf phahna tur cheng vaibelchhe 12.01 te chu tun hnaiah pawm fel tawh a ni a, hna tan thuai thei turin tan lak mek a ni.



BJP PRESIDENT

BJP Mizoram State President thar Dr. K. Beichhua chuan kum 2028 MLA inthlanah MLA tam thei ang ber neih a, Sorkarna siam ngei an tum dawn tih a sawi.

Dr. K. Beichhua hian vawiin khan Upper Republic a BJP Pisa-ah thuthar lakhawmtute kawmin, BJP President thar a nih anga hmalak a tum dan hrang hrang a sawi a, Mizoramah BJP chu Kristian sakhaw dotu anga sawi a awm thin chu pawl atih thu sawiin BJP chuan ram hmasawnna a dah pawimawh hmasa ber zel a ti a, state chhunga hmasawnna tluan tling a awm theih nan BJP chu mipuiten an hriat chian a pawimawh takzet tih a sawi.

Dr K. Beichhua chuan President a nih angin kal dan tur mumal tak a nei a ti a, India hmasawn ruala Mizoram tihhmasawn chu a tum ber a ni tih sawiin Mizoten inpumkhatna tha tak an neih theih nan hmalak chu an tum hmasak a ni a ti a. BJP in hma an sawn zel theih nan a grass root level atanga siamthat chu a ngai pawimawh dawn tih sawiin thingtlang lamah unit level tam thei ang ber din a, BJP chu kristian dodaltu party ni lovin, hmasawn tir tu party an nihna chu mipui hrilhfi ah a, kum 2028 a MLA inthlanah ah a tam thei ang ber MLA neih a, Sorkar siam chu an tum a nih thu a sawi bawk.



COVID-19

Indian Council of Medical Research leh All India Institute of Medical Sciences ten an zirchhian na ah Covid 19 vaccine lak avanga thih thutna thleng thin nia rinhlehna awm chu thu belhchian dawlo ani tih an hmuchhuak.

Union Minister of Health and Family Welfare JP Nadda sawi danin Zirchianna an neih atangin India ram a Covid 19 vaccine te hi a him tawk a, a tha thawkhat hle a ni tih an nemnghet a ti a, chhan hriatloh a thih thutna lo thleng thin te chu inthlahchhawanna leh nunphung mumal loh vang te a awm thei a nih thu sawiin ICMR leh NCDC te hian a bik tak in kum 18 atanga kum 45 inkar a thalai chhan hriatloha thih thutna thleng nasa te nasa tak in a zirchiang a ni.

Akashvani Correspondent chuan hemi zirchian nan hian research hrang hrang atangin thuthlukna 2 neih a ni a ti a, pakhat chu data atanga siam niin, pakhat leh chu natna tuar mek te hnen atang a kalpui a ni a, he zirchianna pahnihna hi tunah hian AIIMS, New Delhi-in an kalpui mek a ni.

